

AUGLÝSING

um fjárhæðarmörk tekjuskattsstofns, innheimtuhlutfall í staðgreiðslu og persónuafslátt árið 2015.

Lögum samkvæmt ákveður og auglýsir fjármála- og efnahagsráðuneytið árlega fjárhæðarmörk tekjuskattsstofns og innheimtuhlutfall í staðgreiðslu sem er samanlagt hlutfall tekjuskatts samkvæmt lögum nr. 90/2003, um tekjuskatt og meðalhlutfall útsvars eins og það er samkvæmt ákvörðunum sveitarstjórna, sbr. lög nr. 4/1995, um tekjustofna sveitarfélaga.

Tekjuskattshlutfall á árinu 2015 verður 22,86% af tekjuskattsstofni að 3.709.680 kr., 25,3% af tekjuskattsstofni frá 3.709.681 kr. að 10.036.847 kr. og 31,8% af tekjuskattsstofni frá 10.036.848 kr. Meðalútsvar á árinu 2015 samkvæmt fyrirbyggjandi ákvörðunum sveitarstjórna verður 14,44%. Innheimtuhlutfall í staðgreiðslu á árinu 2015 verður því 37,30% af tekjuskattsstofni að 3.709.680 kr., 39,74% af tekjuskattsstofni frá 3.709.681 kr. að 10.036.847 kr. og 46,24% af tekjuskattsstofni frá 10.036.848 kr.

Sé tekjuskattsstofn annars samskattaðs aðila hærri en 10.036.847 kr. skal það sem umfram er skattlagt með 25,3% skatthlutfalli allt að helmingi þeirrar fjárhæðar sem tekjuskattsstofn þess tekjulægri er undir 10.036.847 kr., þó reiknast 25,3% skatthlutfall aldrei af hærri fjárhæð en 3.163.584 kr. við þessar aðstæður.

Samkvæmt A-lið 67. gr. laga nr. 90/2003, um tekjuskatt, skal persónuafsláttur hvers einstaklings á árinu 2015 vera 610.825 krónur, eða 50.902 krónur að meðaltali á mánuði.

Fjármála- og efnahagsráðuneytinu, 19. desember 2014.

F. h. r.

Marianna Jónasdóttir.

Ingibjörg Helga Helgadóttir.